

四庫全書

集部

欽定四庫全書

集部

松桂堂全集卷二至五

詳校官庶吉士臣汪彥博

助教臣常循覆勘

總校官知縣臣楊懋珩

校對官助教臣李學錦

謄錄監生臣陳德基

欽定四庫全書

松桂堂全集卷二

吏部侍郎彭孫遜撰

御試省耕

限二十韻

青陽臨左介

皇路慶由庚綺陌韶華徧丹霄麗旭晴九旂清蹕影

萬乘屬車聲蘭圃吹塵盡芝田拂蓋輕春光三月好仙
仗五雲迎輦道遙相峙鈎陳靜不驚林花飄鳳憶隄柳

擁霓旌幽薄芳堪擷寒塘漲已平冷風勤問俗靈雨待
銷兵為念民依切頻勞

法駕行人皆忘

帝力

后自重農情畿甸恩膏沃郊原淑氣盈千村修黛輒一
撥涖朱絃草煖深蔽雉桑濃細轉鶯懿筐來獻繭良耜
去催畊終畝登周頌蠲租陋漢京嘉禾同穎秀瑞麥兩
岐呈地迴

宸遊暢時和

睿賞并負暄迎婦子擊壤應簫笙

聖治先崇本長春玉燭明

日長至 二十韻

四序屬元英三階燦玉衡絳杓方北指金翼正南行晃
朗孤輪湧迴環九道平乍臨牛斗度遙暎鳳皇城祥靄
開瑤甸澄輝散綺夢山河彌廣大霄漢轉高明繡線絲
初永葭灰氣已盈靈臺雲物麗銅掌露華清柔荔爭含

秀芳芸競向榮
歷元千歲合化
籥一陽萌是節
乾苞啟
中天曜景呈踐
長迎寶筵會極
拱神京蒼壁修
殷薦黃
鍾辨雅聲百僚
趨劍佩六變奏
韶韻縹緲疏龍
殿琴離
析翠旌上觴皆
碩輔獻履亦名
卿珍貺凝軒鼎
仙音律
舜笙呼嵩知

帝眷祝華見與
情瑞旭重光現

皇衢萬象亨小
臣欣就日葵藿
願同傾

中秋應制

二十韻

素律迎西顥丹霄逼上清虹橋舒夕霽虬箭報新晴薄
暮祥光合當空麗景呈金波初皎皎銀漢已盈盈彌覺
涼宵永還能徹夜明雲消鵲觀秋滿鳳皇城庭鶴寒
相警林鳥暗自驚液池霜練淨黼帳獸煙輕樓閣堆琳
碧軒楹縷水晶地疑蓬島接人在閩風行勝境芳時會
宸襟爽氣生推遷觀節候流覽擷菁英紫萼湘蘭秀丹
葩嶺桂榮天香衣上落仙吹月中鳴彷彿聆三籟依稀
奏五莖賦吟冰雪句曲按羽霓聲龍鼎調堯膳鵝簧叶

舜笙

九重留睿賞四美暢

皇情遊豫知同樂謳歌見太平小臣搗短翰長願頌由

庚

南苑講武

二十韻

垂衣文教洽偃革武功成帝業雖無外王師尚有征岐
陽傳茂烈淮浦著英聲並自高千古誰能去五兵鸞旂
清道啟鳳蓋屬車行

宸蹕今南苑神畿舊北平丹山遙拱護碧澗競趨迎太
閔乘冬令中權授夏卿魚麗環黼帳鶴列辨銀鉦蓮鰲
流虹疾霜蹄逐電輕何煩歌甫草殊勝鑿昆明挾纊
君恩渥同袍士氣盈騶虞歌並叶虎旅技同呈盡合三
驅禮齊稱萬壽觥長楊朝弭節細柳暮歸營隱隱聞笳
吹悠悠見旆旌指麾由

睿略揅伐軫

皇情熨道剴修兕衡湘剪巨鯨寰瀛調玉燭符瑞集銀

覲更舉登封典芝泥勒令名

西域獻獅子 二十韻

化泱寰瀛泰時和寓縣康勲華高曩烈符瑞集今

皇玉帛綏羣服梯航萃萬方珍毛來上苑竒獸出西洋
白澤標名古金精稟質良爪牙堪服猛圖牒久呈祥重
譯山川遠彌年歲月長端由文德洽坐使

國威揚効順同軒帝稱兵異穆王章和徒紀漢貞觀漫
推唐我

后仁風被中天景命彰騶虞方在囿鸞鷲更鳴陽葦葦
梧初引繽紛草競芳啣書騰赤雀抗陸立神羊並已登
靈囿何須問越裳遠人修土貢

聖主戒禽荒異物原非寶

宸衷自有常義林時攬擷學圃日翱翔螭筆歌宛馬

鸞車屏翠黃小臣瞻舜治拜舞共踴踴

溫泉 二十韻

璇圖開永命寶厯卜遐昌河洛爭凝瑞山川競效祥乾

符呈德水坤軸湧溫湯迴帶神京北斜縈紫塞傍醴泉
隨地出靈液溯流長噴薄還終古滌洄此濫觴上疑星
漢接下有燭龍藏媚澤珠為燧尋源谷是暘焦溪遙合
派鄒律迴回陽汜節無停雪嚴寒不受霜琉璃分皎潔
珠貝瀉淋浪寶幄通馳道金隄擁繚牆薰風時拂拂旭
日轉滄滄直訝炎洲近終嫌沸井涼涵濡皆
聖澤吐納亦榮光濯垢神清霽蠲煩思發揚何須黃
竹詠殊勝白雲鄉浩蕩恩波濶端能及萬方

中秋經筵

二十韻

邃古苞符闢中天歷數昌山雲初啟瑞河洛更凝祥授
簡神龍出銜書寶雀翔義軒垂統遠洙泗濬源長道法
貽

昭代心傳屬

聖王講筵勤學問祕閣盛文章辨色臨軒蚤諏辰撰日
良桂宮秋薦爽蘭殿曉生涼繖扇迎

鸞馭簪裾引鸞行執經皆碩輔列陞盡仙郎縹笈黃金

軸瑤函白玉裝一元包象繫半部致平康與義徐紉繹
微言細闡揚詎能增海岳已若見羨牆璿度存淵穆葵
忱喜拜颺地如游策府人似訪汾陽餘潤波瀾濶流徽
翰墨香琳琅紛入抱月露漫盈箱偃羽呈堯舞揮絃繪
舜裳寸蠡將弱管何以測汪洋

賦得月宇臨丹地 二十韻

月宇鬱崢嶸迢迢逼太清青霄緣直上丹地此高擎燕
雀窺珠網星河接繡叢金樞懸自轉玉斧琢還成屏障

吹雲母果魚漾水晶元霜流皎潔顥氣挹鮮英宛向虛
無出真從廣漠生花林春冉冉香霧曉盈盈絕漢離宮
度因山閣道輕陂陀承畫棟縹緲架雕楹已似臨瓊島
何須問赤城霞蒸光並絢虹亘色逾明徙倚舒遐眺留
連愜勝情川原何曠邈樓觀更紛縈桂醕仙杯渥霓裳
妙舞呈殿仍甘露號人作閨風行宴鎬揚周雅歌汾陌
漢京浮橋斜過騎落照晚銜晴遊豫當年盛君臣一德
賡開元遺詠在千載想昇平

春雪

二十韻

春滿九重天花飛六出妍彤雲迎曙色瑞雪入新年
浙
瀝交蘭沼繽紛拂蕙樓曉凝銅掌露煖逼玉爐烟蝶徑
梅沾粉鶯林柳著綿瓊枝還旖旎瑶草正芊眠澄景開
遥岫清暉散廣川因風疎更密宵樹斷仍連樓閣虛無
裏河山眺望前嵐光深峭舊波影靜嫵娟郢調雙聲合
梁園一賦傳至今猶宛在懷古轉悠然顯氣

宸襟集佳辰

睿賞偏登臨元圃宴拱揖藐姑仙地接三神勝心存萬
物先祁寒頻念切遠戍幾人還有歲占禾麥無衣恤井
廛陽和迴禹甸溫律動虞絃喜見

皇仁被忻逢惠澤鮮不須黃竹詠歌頌遍垓埏

賦得雨中春樹萬人家

二十四韻

春樹雨中妍人家萬井烟韶華明綺向淑景媚芳年點
綴皇州麗參差紫陌聯雪銷金掌外冰坼玉河前細纈
鋪銅沼輕塵散錦韉泥融知燕喜谷暖見鶯遷卉物看

如此河山思渺然遠心紛入抱逸興邈孤騫嵐翠濃堪
摘林光淨可憐樓臺寒漠漠水木靜娟娟雞犬新豐市
桑麻下杜田地仍三輔舊俗向五陵傳賜酪分槐火疏
渠試石泉清暉遙映帶佳氣靄蔥芊相對

宸襟暢來遊

睿賞偏離宮通漢塞複道俯秦川稍出青門曲還過素
滄邊溪莎迎羽葆隄柳拂旌旄一稅星言駕重修月令
篇杏花紅旖旎菖葉碧連蜷籍有朱紘在居無黛耜懸

峰陰搖晚色鳥語叶繁絃問俗冷風至乘時惠澤鮮不
須郇伯詠霑灑自雲天

賦得天地一家春

二十韻

春迴天地泰淑氣滿寰瀛有道君王象無私覆載情一
元資茂育萬彙達勾萌小暖融冰鑑微寒散玉霏蒼龍
扶寶輦綵燕起雕楹藹藹陽初煦欣欣物向榮丹青雙
闕迴綺日九衢明宮柳銷煙潤林梅卷霧輕桑麻同暢
遂鳥雀自生成禁籞皆靈沼嚶鳴盡友聲如薰風轉蕙

似醴露承莖卉木祥光溢河山瑞靄呈

皇仁深共被

帝力蕩難名解澤將行惠甘霖為洗兵八荒歸戶闥六合荷昇平已見人和洽還看土脉盈懿筐來獻繭良耜去催畊

聖壽陳堯酒仙韶奏舜笙律應吹太簇詩欲頌由庚治世餘音在今朝喜再賡

賦得春雪映早梅

二十韻

春雪舞雕甍春梅照綺夢雪遲如有待梅早似相迎銀
海千層合琳枝幾樹明乍飛猶弄態交映倍多情錯落
開池籞續紛拂戶楹臨風爭婀娜得月並縈盈露篠遙
分影霜禽暗辨聲夕霏綃袂濕曉夢蝶魂輕冉冉花兼
絮冥冥雨更晴郢歌傳玉笛隴信報瓊英薄暝依微見
餘輝澌澌生色香空不染臭味淡相成東閣耽幽寂西
州抱潔貞縱因時序轉未改歲寒盟皓質卑桃李靈區
匹閭瀛人無黃竹怨仙是綠華名覽物心彌曠澄懷境

至清芳流梁苑簡瑞賦傳巖羨御陌瑤光遍天葩淑景
呈浩然窺太素淳化復何營

太液晴波 二十韻

太液繞宮城春波入望平滄池傳舊蹟瑞靄敞新晴翠
縠籠煙淺青蘋卷霧輕斜從金闕度遙向玉泉生空水
餘霞映寒暉竟日明百川來作滙千頃挹逾清縹緲飛
銀竦嵯峨跨石鯨鳧鷺紛唼喋蘭蒨淡縈盈魚藻游相
樂鷗沙夢不驚靜含樓閣影細夏珮環聲仙境鄰三島

靈臺接九成文漪何澌澌薄暮更瑤泓色淨澄江練光
涵若水英虹梁花外轉鳳舸鏡中行徙倚舒幽眺留連
愜勝情搜竒羅玳瑁弋遠下鷓鴣何事登濠濮真如上
閨瀛宴觴周大雅風咏漢西京地迴宸居壯年芳
睿賞并臨流思欲濟還擬濯塵纓

賦得龍池柳色雨中深

二十韻

龍池春水生曲曲抱瑤京柳暗拖新雨花濃失舊晴緣
溪枝婀娜疊浪色晶瑩點鏡青蛾濕窺人翠黛明一泓

波自照二月草初萌裊裊吹魚藻萋萋傲野平林陰深
欲暝嵐氣靜如迎影淨湘紋縠光流楚竹笙攬遊吟白
傳感物賦蘭成泥潤頻巢燕簧寒未轉鶯拂堤千萬樹
映水兩三莖濯月姿逾皎因風態倍清烟籠偏嫵媚霧
鎖轉葱菁濃綠低簾幕空蒼漾檻楹蓬萊仍

帝里興慶即仙瀛蕙沼鋪澄練蓀橈擊素瓊上林眠乍
起太液拂還輕天近偏多澤恩深獨向榮

宸遊迴鳳輦

睿賞引霓旌留待朝來霽追歡會玉纓

春雲 二十韻

淑氣報新年靈臺測候先瑞雲何縹緲仙靄並清妍乍
浥金莖露長含寶鼎煙象呈丹極迥望入絳河連旂影
雙龍度珠光九曲穿七襄成帝子五色補媧天屏翳駮
湘渚豐隆駕洛川巫陽峯十二瑤島路三千擘絮垂楊
外吹鱗綺浪前風恬澄碧海日暖護藍田不辨公超市
頻低子野絃閒因依野鶴低或拂鳴鳶曉逐銅池畔春

留綵仗邊太虛仍廓爾出岫亦翛然山暝孤飛翼江晴
十樣箋暮凝人不見夕斂月長圓玉葉紛堪擷瓊英靜
可搴挹來霞作瀝洒去醴成泉華蓋隨雕輦霓裳照舞
筵還思紀官日盛治接黃軒

又 二十韻

玉琯動韶年春回萬象先星河多氣色雲物最鮮妍霞
翬非關雨霏微乍似煙絳霄舒更卷翠纈斷仍連黛影
雙尖瘦霞痕一縷穿寒銷七里霧潤挹九重天瑞靄開

芳甸澄暉被廣川
蜃陰吞八九鵬翼擊三千
仙路蓬山外神光楚峽前
琳枝披蕙圃瓊葉蔭芝田
辰處偏承蓋停時為撥絃
低空依舊鳳望遠沒飛鳶去
自棲巖際來應捧日邊虹
明還綺合風靜轉娟然
錦杼留裁翰金膏待染箋
凝條花並豔觸石壁同圓
擢秀堪分潔餐英好共搴

宸章垂宇宙需澤洒林泉
紉縵呈珍貺續紛拂御筵
行看歌復旦縵瑟有新篇

擬春日應制

紫禁清嚴複道通，
綢緡佳氣在。

宸楓五雲仙仗羅，
三殿九醞霞觴壽。

兩宮盡闢銅龍迎，
瑞日先懸綵燕待。
和風應知天上春，
光早玉樹菁葱曙色中。

青瑣彤闈赤玉墀，
寒銷蘭路雪初披。
竹宮雲麗齋壇夕，
蕙沼風恬被袂時。
芳草無根迎候早，
春暉有意為人遲。

太平

天子勤民隱宣室何勞更祝釐

五柞宮中淑氣回萬年枝上好風催消除寒色看垂柳
斟酌春光到早梅垂露臨池龍躍起擁雲染翰鳳啣來

懸知

睿照三辰麗不數鄒枚侍從才

鳳闕嵯峨倚碧雲瀛臺仙境氣氤氳重輪曉湧扶桑日
五色晴含太液雲玉蟠光寒凝絳幄紫猊穗煖熟芳芸
牙籤錦軸分明在

聖主當今正右文

芳林幽薄帶長川南苑今當校獵年聚燕臺前沙似錦
射熊館外草如煙風迴自引清笳動雲起爭看綠仗懸
莫以從禽窺

廟略為乘春令習蒐田

惠澤頻年洒八紘陽和早已遍寰瀛釀花雨潤枝枝玉
轉蕙風輕樹樹鶯幡上金鷄仍渙號樽中白獸豈求名
招賢更有猗蘭操不盡虞絃解愠情

六合恩波自一家

聖心猶欲念幽遐
露盤拂處螭頭濕
月扇迴時雉尾斜
灑灑爐煙飄蕙燼
依依花氣浥蘭芽
宮中玉漏休頻滴
乙夜搜書遍五車

奕葉承平起頌歌
况逢海內正韜戈
由來望澤寰區徧
占得韶光

帝里多珠綴花明
香作霧玉溝風煖
綠生波大酺不待
君王賜處處春風
飲太和

春祭社稷 二十韻

春滿鳳皇城中天瑞靄呈

鑾輿巖夙駕吉禮慶初成首舉句龍秩兼崇后稷名方
州尊土德原隰重農情辨色彤霞曉諏辰麗旭晴韶光
二月早仙仗五雲迎蘭路銷塵盡松陰拂籟輕九旂飄
羽蓋萬乘引霓旌柳外銅螽靜花間玉佩鳴奉璋多俊
士陪位有名卿遙見

鑾旂轉迴看雉闕平壇墮皆北向輦道更西行舞帔咸

池節歌鐘太簇聲靈鼓清管合絺冕繡紵明報本三
時薦祈年百室盈氣先通雨露物自潔粢盛祝號還陳
信

宸衷獨秉誠果然邀膺蠶遂此致豐亨歲穰嘉祥集椒
香淑景并重賡良耜詠擊壤在寰瀛

上巳二十韻

曖曖曙光明泠泠曉籟聲花風春有信蘭節禊為名煖
應雲門律寒銷露掌莖韶陽三月候遲日九衢晴麗景

開瑤甸澄暉散繡蕙紅簾深見燕綠樹暗聞鶯垂柳眠
煙重濃桃蘄雪輕樓臺何縹緲卉物益葱菁靈沼遙通
漢滄池曲抱城蜿蜒飄翠竦飛動躡蒼鯨玉澗芳堪擷
銀塘漲已平龍旂隄外轉鳳舳鏡中行羽爵隨波去金
人捧劍迎掖河傳勝事宴鎬洽

皇情疏圃詩偏好華林賦並成何如披

睿藻還此上仙瀛地曠

宸襟暢時和豫賞并堯樽初獻酒舜琯更調笙暮景催

清漏歸橈擊素瓊不須留落照桂魄一鉤生

松桂堂全集卷二

欽定四庫全書

松桂堂全集卷三

應制集

吏部侍郎彭孫適撰

上駐蹕馬蘭谷

詔扈從諸臣觀湯泉應制

寶厯開基永璇圖卜世昌乾苞凝瑞液坤軸湧溫湯映
帶

皇畿外縈盈紫塞傍山川鍾獨秀風物鬱相望噴薄纔

吹穀濛洄始濫觴一泓澄玉甃萬斛瀉銀塘金燧含逾
媚丹砂迥自藏文漪浮菡萏石溜戛琳琅沍節無留霰
蕭辰不受霜太和流溟滓景貺發禎祥我

后頻紆駕當春為省方

宸遊停鳳輦

天語勅駕行特許窺蘭沼還容解蕙纒是時三月暮來
眺五雲鄉蘋葉溶溶暖桃花澹澹香寒銷仙掌露清挹
帝臺漿直訝炎洲近何嫌黍谷涼涵濡多

聖澤吐納見榮光
厭浥沾翔泳
恩私竭頌颺
貞符占水德
千載共靈長

上元

賜酺恭紀

四首

丹禁清嚴複道通
上元高讌集羣工
紫猊煙潤風初轉
絳鶴聲長日正中
折俎嘉筵三揖在
大酺樂事萬方同
微臣謬此叨恩渥
雨露深知造化功

獻節初開百福繁
簪纓濟濟奉華軒
忻瞻化日恩光厚
幸接

天顏笑語溫饌出仙廚留瑞蕙酒行滕爵溢芳樽葵心
傾竭曾無補戰粟還應媿素飡

祥煙瑞日煥

丹宸候入青陽淑氣新下濟天光交泰運全銷兵氣太
平春人間令節三元重雲裏仙韶萬舞均願上堯樽稱
聖壽千秋萬禩樂茲辰

千官卜畫禮初成瑞靄緗縕淑景明含凍花因吹律發
閣陰天為試燈晴金甌不缺重輪月玉琯長調太簇笙

會見昇平多樂歲
歛幽擊壤遍寰瀛

四月望日甘霖應禱恭紀二首限韻

綠陰宮樹引祈年
靈雨初飄輦道邊
雲掖龍驂飛九五
陰流鵬海擊三千
曉凝桐蓋成珠乳
夕漲槐溝瀉玉泉
聞說桑林曾七載
只今未過麥秋天

靈峙仙雲寸寸生
東疇無復眺長庚
繡塍麥秀雙歧出
綺陌泉飛百道迎
甘露承杯來碧落
薰風吹律入朱明
皇仁更解秋荼網
處處歌傳擊壤聲

秋分日

賜藕恭紀一律

千葉蓮開萬歲池
池中珍藕自連枝
仙莖縹緲清秋露
寒玉玲瓏白雪姿
幸掇泥塗呈下體
欲羞嘉實薦明時
大官賜出偏鮮潔
退食還當勵素絲

乾清宮

御試紀恩詩

有序

絳杓東指朱翼南
翔月在上春律中
鳴筒之簇日當下

浣數符化瑟之絃

皇帝位天德而正中觀人文以成化迺

召翰詹諸臣親試于保和之殿

紫宸親切躬秉權衡丹筆淋漓手題甲乙品裁各當銓
綜惟明越二日復

召臣至乾清宮再加甄試于時三階靜正萬象淑熹登
太紫之宮庭受尚方之筆札一擎官燭花綴祥蓮八簋
仙肴香融瑞萐

宸嚴下濟

天語春溫璣鏡洞開而物無遁照奎文肆映而人被餘輝誠
盛朝之曠典而臣子之竒逢也臣刺草微生雕蟲小技
對策于

世祖開科之日濫廁進呈獻賦于

今皇親制之年猥居選首叨

兩朝之知遇荷載筆于軒墀今又蒙

召赴

禁廷上邀

睿賞疊承恩寵莫效涓塵夫嘉澤霑漸朽木尚蒸為朱
菌陽和煦被寒葵亦貢其丹心臣雖至愚類非草木敬
上五言詩一首凡四十韻抽月露之微吟識雲天之新
渥情深戰栗念切捐糜云爾

軒后垂裳日姬皇脫劍年貞符彌宇宙廣澤浹垓埏問俗巡
岱勤民為濬川自然垂帶礪仍此沛雲天租調頻寬復繁
苛盡滌躅崇儒還釋奠重道必興賢萬里漸文教羣

材入化甄克知需藻鑑並命集花軌共仰冰衡朗重蒙
玉勅宣入門徒踈踏俟履敢遷延授簡螭坳上摘毫鳳
表前琴離披彩仗清切近彤筵繡城承蒿柱文棖拂蕙
楊玲瓏珠綴繞錯落綺疏圓

聖德覘恭儉

宸居挹靜便詎須畀禹室終不斲堯椽太素規模遠初
春氣候先韶光空際轉淑景午餘妍寒色銷蘭路晴暉
散柳躔瑞雲叢捧日芳樹淡籠烟薄靄沾衣重流霞染

案鮮筆床紅窈窕
硯沼碧淪漣
百和研香麝
雙番擘粉箋
移時宮漏下
向夕禁鐘傳
殿隱鴛鴦
瓦簾垂翡翠
錢露浮棲爵
外風定相烏
邊紫篆春
長潤丹雘
晚更然從容

天語憚稠疊

主恩偏瓊茗
教承飲珍肴
出賜籩屬厭
情自飲消渴
病應痊祇媿
枯毫弱難窺

睿學全讀書
窮間粵論史
破拘牽華黍
吹笙遍蒼祇
薦

壁虔未能忘海岳空自守蹄筌霄漢三辰麗璿璣七曜
懸人人垂注渥一一別丹鉛細似抽絲繭明如燭蕊淵
大鈞無枉互朽質有雕鑿叨被誠深矣鑽摩庶勉旃葵
心雖荏染匪石亦長堅

首春應制

晨曦開秘殿御仗肅鈞陳舜藻垂衣日堯寔紀瑞辰星
雲千載厯天地一家春淑氣盈中禁祥光播大鈞爐香
清自挹掌露湛無塵玉蠡晨鐘靜銅蚪晝漏頻牙籤披

紺幄綈袞捧丹宸中正瞻

皇極高深仰

聖人治功昭象緯道化協彌綸澍澤林花發和風苑柳
新奎章雙曜麗景福百川臻何幸承嘉問恩波及小臣

元旦

賜宴

太和門和悔庵

玉瑄回陽屆歲元

天顏有喜藹春溫

兩宮賤賀知重慶萬歲山呼識

至尊羣吏方來初輯瑞小臣旅食獨霑恩
賜餘更許歸相餉手挈筠籠出禁門

擬

大清一統志成恭紀十二韻

十二月十三日
試庶吉士題

薄海同文軌敷天入版章乾儀三極正坤絳四維張玉帛圖王會山川紀職方編摩資館閣綴輯上巖廊祭粢

分星土羅羅布井疆源流皆綜貫詮次必精詳燥濕觀民
俗高卑辨物常自然知阨塞真可鞏金湯亥步周黃軸
辰居奠紫閭熙時欣偃革盛治美垂裳一統規模遠千
年歷數長清寧占泰運大業永光昌

十四日侍讌

乾清宮恭紀

丙寅

載筆承嘉讌霑恩入禁闈金波春瀲灩玉燭歲光輝氣
正仙杓轉天清夕吹微厭厭入良夜不醉欲無歸

恭和

御製

幸闕里詩

翠輦巡東魯金輿幸講堂

睿文光海岱道法見羨牆被服

皇風暢涵濡聖澤長九垓聲教洽雅化仰垂裳

再和

省方因過里成禮更升堂

萬乘親橫卷諸生盡負牆

天章懸象緯

聖祚卜靈長穆穆無為化揮絃繪舜裳

大雩

上親祀恭紀二十韻

丁卯五月二十日

我

后勤民隱敷天惠澤深偶然逢夏旱特為禱商霖減膳
明謙節施恩降德音齋居頻自省雩祀必躬臨夙駕辭

鑿輅前驅罷羽林升香惟鬱鬯薦璧是球琳恍惚通神
聽昭回格帝心果能邀盼嚮遂此致居歆湛露融仙掌
薰風韻雅琴潤痕生礎礪涼氣襲衣簪雲鎖蒼龍闕煙
籠碧玉岑輕雷初殷殷甘雨已泔泔煩暑銷炎律囂塵
散遠襟山河開夕霽桑柘藹清陰行潦猶堪挹衢尊豈
待斟繡塍吹麥浪綺陌擢秧針佇看禾同穎何愁歲有
稔七年徵曩牒六事達精忱

聖德寧殊古靈符僅見今從茲登大穰薄海起謳吟

駕幸闕里恭紀二十四韻

代真定相公

元后敷文治貞符啟泰年光華凝慶景聲教匝垓埏理
契軒圖始心參如範先執中皇建極合撰聖希天絕學
留洙泗餘音被筦絃累朝陳俎豆六代備宮縣遺澤涵
終古

宸修叶自然駕從丹陛發

詔有紫泥傳特舉巡方禮親臨釋奠筵風雷環柱雲
日絢山川戒事多齊稷齋居致吉蠲舞人張羽葆肉吏

金之入之三
卷三
薦珍籩酒浥三危露香浮百和煙羨牆神貺接綸紵

國恩偏別貯金莖瑤頻頌玉府錢殊榮流後裔曠典及
前賢講席紆

清問園橋領妙詮紱麟徵舊蹟鬣馬展新阡汛掃皆除
賦陪敦更錫田八荒同律度萬彙入陶甄

睿藻星辰麗奎章琬琰鑄鑾輿欣出震龍德喜承乾海
岱高深並君師道法全名言誠不易徒此測蠡淵

又

鑾輅初停蹕，緇帷舊講庭。
恪修先聖祀，宿戒從官聽。
齊邀因承祭，精虔為薦馨。
舞師施鷺翳，膳宰視鸞鈴。
法酒陳緹盎，和羹在鼎錡。
蠻香紛布寫，鳳德儼儀型。
曲瑤仍留蓋，穹碑更勒銘。

睿文光海岱

宸翰炳丹青，衢室垂

清問。宮牆啟奧扃，微言千載契。
大義一時醒。父老皆園視，生徒盡仰聆。
珠囊探要眇，玉燭動晶熒。
更枉如雲騎。

來觀若斧形陪敦還隧道給復又租丁泗水迎天潤防
山蘊地靈神著猶峭舊仙檜詎凋零延世諸公爵傳家
博士經禮殊同衛宋恩逮有凡邢

聖澤周三極

皇風暢八溟何如軒昊代檢石上云亭

奉和高陽先生

恩賜恭紀詩三首

癸亥六月六日

綸扉清暇早生涼委佩從容出殿廊職補山龍和庶政

功成樽俎奠羣方
瑤觴捧處雲螭舞
丈綺頒來雪繭香
自是天光多下濟
明良千載有唐颺

天眷優崇寵秩增
匪頌有典喜頻承
蓮杯當暑清含露
蘭穀方空細鏤冰
錦杼七襄光皎潔
金膏六齊色澄凝
品裁賴有宗工在
陶鑄深知國匠能

九霄捧日浴咸池
上相規為亞相隨
最喜絲綸參筦日
未妨觴詠太平時
獨將鴻筆酌深眷
猥示新篇及賤私
自幸文章聞可得
升堂不恨十年遲

賦得千條弱柳垂青鎖

上林柳色弄韶光
萬樹千絲踈地長
珠綴玲瓏深見影
金爐縈惹暗飄香
綺琴聲靜清陰合
玉案吟成翠纈涼
思曼風流今宛在
不須重問永豐坊

賦得光添銀燭晃朝衣

九微光裏雪初殘
仙漏泠泠夜欲闌
清影乍添蓮炬曉
春陰不散火城寒
金缸色映文園牘
瓊葉香生柱史冠
自是

玉宸佳氣繞白銀宮闕五雲端

賦得百轉流鶯繞建章

五雲籠日曙烟輕綺谷初開百轉鶯蘭吹迴時偏覘
花陰深處未分明風前曲度黃金縷天際歌傳白雪聲
何事銀簧猶待炙上林芳樹正春晴

賦得春星帶草堂

春星斜挂暮林端暝入山堂玉露溥纖月昏黃初逗影
明河清淺欲生寒垂垂朱鳥三商夕耿耿橫參五夜殘

最憶杜陵清興好千秋人作少微看

賦得檢書燒燭短

蕭齋燈燼漏將終縹帙初開子夜中
滴露不知金炷冷
燃藜如見玉膏融
芸輝拂幌還飄篆
蘭藥侵簾已綴蟲
鳳脰莫嫌吹更短
寒光映雪正朦朧

賜

御書恭謝

瀛洲臺閣愴無暑南薰一奏風冷然
槐陰日上初辨色

琴離黼座開

御筵萬幾裁罷清且豫
馳驟翰墨揮雲煙金膏染出蜀
江錦銀鈎鐵筯何精妍
或如鶻起勢聳拔又似鳳翥姿
翩躚縱橫夭矯不可狀
中有逸氣相盤旋壁間蠹簡久
不睹八分飛白頻流沿
鍾王代興法始備擅絕此事千
餘年豈知聖學亦游藝
脫略迹象捐蹄筌頓令神諧掩
前哲洵由天授非師傳來汝
詞臣特頒賜曉衙忽奉中
旨宣金繩玉軸皆至寶
寸珠探得驪龍淵諸臣取一臣

取二抃舞不覺衣裳顛循牆歸去竊三歎

皇仁自近匝八埏時平端藉

主明聖崇文稽古親儒賢臣之遭也亦何幸出入禁闥猥備
員誦詩往往窺比興講易稍稍聆性天庶竭餘齒答明

詔不才朽質窮雕鐫琅函什襲敢褻視奎光上燭太微
躔願留

宸詔被金石中天日月長高懸

湯泉

回鑿仙嶺屬芳春
溫谷傳觀詔侍臣
水德靈長堪潤物
土風清淑更宜人
離宮不改茨階舊
馳道初瞻彩仗新
幸沐恩波比翔泳
此中

聖澤廣無垠

靈池漭沆水清澄
一挹還堪散鬱蒸
色泛桃花三月暖
香流蘭葉五雲凝
榮光似鏡環辰極
王氣如龍拱

孝陵自是醴泉非
愛寶源從天漢發
休徵

松桂堂全集卷三

欽定四庫全書

松桂堂全集卷四

甲午乙未丙申

吏部侍郎彭孫適撰

元日

曙色高城萬戶開
窮陰空谷一時回
春來雪後遲歸雁
人去山中早見梅
秦逕曉雲浮睥睨
橫塘初日上樓臺
閒居景物堪幽賞
更遣流光入酒杯

春遊

春遊猶未愜風信入清明沙暖遲驅馬林深緩坐鶯溪
雲無去住野照半陰晴日暮滄江上悠然萬里情

野眺

滄波不可極千里暮雲間晚色村孤樹寒烟雨滿山春
隨流水去人趁夕陽還歸路東城晚柴門獨叩關

春日兵憲王青芝年伯海上簡閱有作兼呈毛

明府

海國烽烟久震驚坐開幕府耀戎行旌搖日羽千峰隱

陣立雲垣百雉平
惟悵折衝參

廟算山河表裏壯
軍聲樓船取次收
閩越遙倚東南萬
里城

滄波縹緲雨初晴
看瀉天河為洗兵
日湧扶桑明兕甲
風迴楊柳拂鳶旌
午潮聲入千軍靜
春汛烽傳百谷鳴
海內名流爭入幕
祇應短褐愧諸生

松下遣懷

秋意日寥廓
暝色散微雨
高風天外來
吹我孤松樹
翻

然落空翠淡與雲陰互杳冥寒濤生微聞滴香露幽人
巖石間抱此物外慕庶幾歲寒心聊以保遲暮

臨平道中聞蟬作

秋盡山家落木輕寒衣處處剪刀聲不知九月臨平路
猶有寒蟬隔樹鳴

送查王望赴東莞余時亦有計借之役

送別炎洲路君非百里才暫教娛鶴髮詎足展龍媒海
雨枕榔暗山晴瘴癘開故人從此去南北兩徘徊

元旦秦郵早發

霜角催晨發，炊煙罷客厨。
僕夫驕短騎，遊子畏長途。
野店江春靜，佗鄉土俗殊。
空墟寒未汲，車馬立躊躇。

贈周生

同是風塵客，相逢各黯然。
鄉心歸雁後，故國夕陽邊。
康伯猶居洛，荆卿未去燕。
倚閭千里意，慰爾思懸懸。

將出都門留別呂夢軒錢長孺兩同年

同遊宛洛慰晨昏，分手天涯憶弟昆。
歌郢客能工白雪。

吹竽吾欲老朱門宮鶯近借宜春樹野鶴空歸細雨村
見說江南芳草綠不因橋柳總消魂

黃河風阻

鄉關千里目岐路此時情野燒河俱斷寒雲水與平風
檣衝絕險雨堞失孤城坐見芳洲上青青草又生

鄉愁

楊柳津頭送客回暮雲千里正徘徊人歸春後醪釀盡
風暖閨中芍藥開芳草不離河畔綠孤舟偏向日邊來

鄉愁已似東流水
況復啼鵑夜夜催

過韓侯釣臺

淮水東流去
荒臺此地存
江雲侵樹色
碑雨沒苔痕
已抱千秋恨
誰銜一飯恩
相逢盡岐路
空復說王孫

落第後寄上侯筠庵老師四首

三月長安春色閒
離人折柳此中還
來攜燕市壚頭酒
歸卧秦溪海上山
古巷烏衣空寂寞
上林黃鳥正間關
自傷湖海飄零久
絳帳風流不可攀

金步四卷之三十一
卷四
上苑殘鶯轉未停傷心越客不堪聽迴風忽送千檣影
落照空過萬里亭地坼河流春浩浩雲連海嶠晚冥冥
應知關上前縹日正望天邊在角星

鬱鬱晨風返故林萋萋芳草獨相尋春江斷岸天垂盡
野廟無雲晝自陰漸入窮途生痛哭不因多病起吳吟
知希從此須歸隱援瑟空為淶水音

路入吳江漸透遲風吹長水碧參差斜陽遠出由拳樹
夕漲遙分裴令祠行役久慙逢世拙窮愁應與著書宜

買山未敢從支許曾受公門國士知

自天津抵家得絕句十首

千里鄉園正渺茫山陽南去路修長天津橋上頻回首
不見山陽見夕陽

歷下城邊柳絮飛行人對此暗沾衣春來久滯南中信
江上征鴻歸未歸

孤舟未繫日初斜極目黃河走白沙遙見人煙起村落
殘陽影裏兩三家

寄得家書不敢開
數行猶向榜前來
不知遊子多飄泊
却望泥金次第裁

客路蕭條江上舟
茫茫雲水入鄉愁
獨留一片蕪城月
更逐孤帆下潤州

漫漫飛絮滿長空
細雨荒村黯淡中
行盡江南江北路
不知何處有春風

憶別江千雨雪時
今來殘綠已參差
斷腸春色歸何處
說與行人總未知

久客漸忘身是客故鄉回首即天涯入門故舊歡相問
蕩子原來自有家

見說長安罷禮闈故人拭淚下鳴機自言遠道長相憶
只願行人安穩歸

窈糾春愁知為誰臨風鎮日數歸期深閨望斷王孫草
君去長安是幾時

過吳門別明遠

停橈薄暮起離歌尊酒重來此地過茂苑花殘紅躑躅

香山雲鎖碧嵯峨，波澄晚色空中遠。
天散晴霞盡處多，知爾不須怨淪落滄洲。
吾欲返漁艇。

初入里門有述

夏雲縈灌木，零雨歇鳴蛙。
憶作天涯客，寒梅未著花。
近得閨中信，春檠照夢熊。
酖醕心欲醉，湯餅宴初終。
候門嬌女小，學步未全工。
不見解相憶，見時生臉紅。
風塵嗟落魄，不忍說長安。
有客深相訊，惟言行路難。

登永祚寺閣

物役塵中擾招提世外幽
虛堂僧入定暇日容消憂
雷雨平窓度虹霓拂檻流
自能通帝座直欲小神州

雨後望秦溪諸山

積陰生霽色一望隔塵寰
谷水煙中樹秦溪雨後山
參差青靄裏隱見白雲間
待約攜筇往捫蘿此更攀

舟行滯雨

片帆載秋色人意空闌珊
河水清無極照見芷與蘭
愁烟漠漠生驟雨翻狂瀾
故林渺天際秋思鬱雲端
孤篷

上下濕陡覺生暮寒平生事田廬戚戚憂旱暵但識耕
田苦安知行路難

雜詩

種桂石池陰金英動素商所嗟雨露稀地僻無秋陽我
行南山下草露沾衣裳朝暾照葵麥相與生輝光

七夕南湖感懷

南湖烟月清如織良辰夢逐南樓側今年水落吸淺沙
大火高雲秋燒直我來重泛鴛鴦渚日暮西風起蘋芷

百端對此忽茫茫
蓼花蓮蒂依稀紫
縱飲孤斟問舊遊
山河月出天地秋
何處相逢烏鵲渡
何人獨上木蘭舟
人間天上同幽怨
促促佳期空未展
恰見殘陽高樹歸
又看銀漢流雲卷
為歡不足奈愁何
老向雲邊一醉過
終令此夕成疇昔
落月搖空隱薜蘿

西湖感懷

西陵士女踏青殘
日落明湖瀉碧湍
暝色漸看千嶂合
春陰不散兩峰寒
嚴城鼓角傳空堞
故國山河入倚闌

惆悵錢塘佳麗地楊花飛雪路漫漫

南朝宮寢半凋零萬騎樵蕪破杳冥莫向空山聽杜宇
不知何處哭冬青古苔漠漠碑陰閑芳草芊芊輦路停
日莫春城歸獵火夜深風雨見精靈

新霽

山寺寥寥靜殘陽對掩扉池陰濃靛黷樹影濕霏微觀
化知魚樂忘機羨鳥飛東臯堪避地徒使寸心違

夜雨

天意收殘暑高風動早涼
砌蟲陰後咽階雨靜中長
小閣遊饑鼠空藥跳野
螂懷人成不寐落葉嚮空堂

秋夜

秋色閒庭扃不開風林葉落鎖寒苔
如何一夜芭蕉雨盡向愁人枕上來

送漢蜚北遊

上林賦客近應稀此去長卿侍紫微
斜日遠窺津樹合征帆曉逐岸花飛
江南春色遲行袂薊北鄉心見落暉

白草黃河千萬里翻因送別望君歸

登郡樓眺望

晚出巖城道步至東郭門高樓一長眺秋色滿郊原地
帶江湖阻山連海嶠昏天低雲影逼日夕秋陰繁束髮
倦行役車馬怠且煩途窮起痛哭慷慨憑誰言解劍謝
知己荷鋤歸邱園意氣忽已盡功名安足論

雨泛歸出庭中望月

暮雨泛輕橈落日收遠嶠如何齋中樹明月重相照夕

天散暮陰澄霽舒秋眺孤懷展轉深風雨生幽峭為勸
惜芳辰撫景悲同調待留金波光共遲白日耀

秋霽

殘暑雨聲中暝際開山霧返照界空清片雲不得渡太
陽依然明微涼生高樹棲禽動遠林驚蟲振濕羽獨有
草堂人窮愁不成趣荷衣落淺沙菊蔓牽荒圃卉木既
蒼涼秋草成行路入山苦未深大隱今非故歎息望冥
鴻弋者夫何慕

晚泊楓橋逢徐六瑄朗

三秋不見徐公美，幾度來過吳市中。
獨客河橋正惆悵，相逢流水任西東。
山中閣雨添衣濕，日脚生潮到櫂紅。
夜泊孤舟霜月裏，愁聽江上落青楓。

朱買臣墓

古寺孤城外，當時太守墳。
疎松傳夕籟，高柳掛斜曛。
石篆披榛出，樵歌隔水聞。
千秋重知己，誰使致青雲。

病起夜坐因憶徐公肅昆弟

柴門深掩柳陰中小剪蓬蒿一徑通病起正看梅漲綠
春歸又見棟花紅海潮晚急聲疑雨城柝宵嚴響趁風
欲訪故人煙水隔茫茫兩地思無窮

上張蓼匪老師十二韻

少年遺俗尚萬里欲橫行不遇空羣顧徒為伏檻鳴慚
余稱國士猶自旅儒生錦瑟朱絃響瑤琴淥水聲求工
良有意投契惜無成長隱從茲去孤懷未易平身還思
附驥心轉佇遷鶯建節開蓮府分曹拜月卿文章推巨

筆風度屬

宸情左相封侯日司空博物名登

朝無異貴稽古有餘榮試遣彭宣到微窺絳帳明

七夕立秋

獨眠空簟思茫茫每到佳辰只自傷天意似猶憐此夕
轉教閨闔送新涼

飄殘桐葉下清波吹入商飈向晚多深坐忽驚涼氣滿
不知行雨過秋河

雨後見月聞鄰歌

晚來秋雨歇池館弄輕陰古木縈雲濕虛簷受月深長
明生靜悟短夢費幽尋會惜繁華盡空茲物外心

重遊小閣桂花下

玉律隨時屆金商應序臨跡偏荒墅外樹古小山陰清
籟盈睂宇高踪邈足音涼颺猶隱隱碧落已沉沉月傍
嬋娟老秋生天地深同遊空感悼往事復幽尋思舊休
看竹懷人欲碎琴祇應招隱去為爾寄遐心

孤山

我尋林處士不見鶴歸來
唯有空亭上寒梅相向開

浪迹

浪迹湖山久作緣
寒江楓落思綿綿
鄉心已是濃如酒
秋夜那堪杳似年
斗帳霜嚴傳漏箭
衣篝香冷徙爐烟
空閨見月應相憶
為問清光幾度圓

偶憶

蚤見金風度木樨
又看黃菊晚淒淒
愁人已到傷心處

况復霜天烏夜啼

江干

清江流不盡從此控金隄地脈分吳越山形赴會稽涼
風黃葉下秋水夕陽低岐路吾何適驅車東復西

梵村

荒村人不識仙梵兩三聲山路行窮見江天望極平此
間歲淨土何地著浮生卜築它年事菟裘未可營

洗心亭

百折寒山路空亭出翠微雲深藏小徑水靜受斜暉已
識今生是還知昨者非悠然會心處魚鳥覺相依

雲栖山寺

招提人外境未到已成迷半偈僧能白一間雲共栖秋
聲千樹落夕氣萬峰齊待覓寒山句重來此處題

夜宿客寮因登寺後諸山

古刹知何處巖扉深萬重客寮成信宿僧臘盡從容虛
室延山月哀猿下嶺松欲投峰頂路恐有白雲封

禮蓮池大師塔

維摩示寂後此意更誰知塔院空秋色山僧老鬢絲
飯心蓮社切禮戒定香遲試看階前樹依然說法時
去來非有意滅度更何因入定通禪悅來遊見化人
晒衣碑記古磨鏡法燈真但得稱居士寧須問後身

晚出雲栖山經虎跑泉用東坡壁間韻

曾聞古院木樨香再宿招提襪被涼人靜忽驚天籟落
身閒始悔世情長松間山鼠窺行脚午後齋鐘出上方

莫訝客來題句少蕭條物外更誰嘗

寓居湖上精舍欲仙同門見示新什因以詩荅

晚市人烟喧古渡寒山楓葉下流澌思君盡日盈如水

況是清風明月時

蒼茫岐路竟何之客裏西風鬢欲絲我更窮愁工未得

重攜殘火讀君詩

立秋日與旭曙南屏晚眺

巖谷歇炎歊招尋出上方驅雲徂溽暑布氣薄清商地

渺江湖外臺懸霄漢傍肅風先發籟高樹稍生涼曲徑
荷香轉曾厓夕景長鳴蟬辭露葉蔭木落虹梁潮汐心
逾寂山川色更蒼吾將營此老君勿問行藏

春暮喜飛雖見宿

故人投轄喜相通葵藿新栽酒未空掃徑松花清入琤
開軒桂樹碧成叢斜塘鴉噪寒雲裏古巷烏啼曉月中
良夜何當多感慨知君應為惜飄蓬

武林逢鳴大

不見真成別相逢轉自親回思分手處猶是異鄉人松
磬空堂暝霜梅古墅新憑君娛歲暮天地總風塵

望秦山

返照高城外悠然見遠山目隨飛鳥盡心共浴鷗閒徐
市歸何處沙邱去不還只今望蓬島依舊白雲間

飲木芍藥花下

山城三月春風暮消盡殘春花下雨名花未發香滿庭
桃李紛紜何足數主人酌酒數擊鮮取鼓鼓我聲淵淵

漁陽三搨搨未絕悲歌忽放野老前人生行樂須幾時
嚮隅空負好花枝燕襟紅泥雕梁冷鶯眼青窺小徑遲
持花醜酒為若歌花間三日醒猶多君不見沉香往事
行雲散空有花枝照酒波

咏地燈

千門萬戶照熒熒吐蕊生輝曉未停野燒似留春草碧
夜漁疑見遠燈青遙通天漢先流火倒瀉銀河有墜星
卻就長明吟未穩秋陰黯黯月冥冥

獨坐

獨坐觀羣卉新篁倍長成
妙香空際落止水靜中明
幽草無風偃寒濤欲雨生
無為感沉寂深得爾時情

雨中簡友人

我意耽幽寂山僧對雨愁
天光凝遠岫樹影散中流
大澤魚龍動空城麋鹿遊
西窗裁燭處得句向誰投

未央宮瓦歌

並序

叔大父藏有古瓦乃故漢未央宮遺製也曾王父

遊秦時得之於廢址下以貽大父大父博古好奇
每出示客鳳味已斷龍文尚存制作樸雅想見劉
季當年因作未央宮瓦歌

碭山布衣赤帝子手挽赤霄死子羽戰功疾力五閱年
搯吭關中定疆宇闕中宮闕消炎炬重發謫吏開池籞
天子東平馬邑還丞相初營龜食處太倉武庫次第開
塗堊割蜃萬斛灰藻廉八寸緣柱下螭吻千尋噴雨來
宮成前殿暮置酒擁篲上皇玉卮壽酒酌坐起慨以慷

留侯鄼侯齊稽首高闕依然布千武宮車長樂杳無主
新豐猶習大風歌舊宮不見楚歌舞柏梁已火太液空
辭漢金人泣如雨當年高讌拜蕭曹此日荒基傷牧豎
博古主人大父行問竒佳客日到堂春陰滌茗忘酌對
片瓦寶惜如圭璋豈無首陽洛水鼎不與古甃相頡頏
樸雅精瑩堪作供雕鏤刻畫何珍重籀書斷續不可尋
隱隱鴛鴦沒苔縫蒼苔黃土封郊野來自秦中壞道下
猶是阿房三月泥燒作未央千尺瓦壯麗經營二千載

無限荆榛蝕鳳喙
晉陽舊殿跡已湮
何況漢宮無草萊
不煩磨洗認前朝
龍紋半面全未消
詞客多情空感慨
帝子荒山已寂寥
君不見須臾失勢如
春水磨刀帶劍
上吾陵長陵至今遲
又久一坏封土樵採
登空餘古瓦
對浩歎使我慨然
陽里帝子之廢興

除夜感事

平野長風晚益驕
空庭積霰未全消
不知人事多遷換
但覺年華轉寂寥
花信正淹三徑雨
春寒初上五更潮

天涯行役還相憶
雪滿邗溝路更遙

煮茶

空階風雨近殘年
寒擁枯爐當品泉
狂興未須千日酒
野情自燒一溪煙
遙遙澗水來天外
謾謾松風到枕邊
短褐不煩遊客訪
山人新著毀茶篇

登城晚眺

晚色雨餘生
登城一望平
寒煙秦輦沒
斜日越山明
鳥雀歸高樹
牛羊下古城
坐看行路者
阡陌正縱橫

冬夜集字

長隱東山日開尊北海時無人堪共醉有客坐敲棋地
迴江流斷天高月落遲空林霜露下烏鵲在南枝

野田行

荒城日落生愁霧白骨青燐亂無數山河興廢多戰場
宿草淒涼生狐兔悲風瑟瑟起白楊牛羊成羣上古墓
人生諒無百歲壽焉知生樂與死苦朱門華屋未解憂
請君試出野田路

促促曲

促促復促促為歡苦不足嫁作估客妻空床長獨宿采
萼不盈筐思君九斷腸自憐妾命輕于葉不道君情薄
似霜

冬夜有感

朔雲侵曉暗山城一夕偏傷萬古情凍瓦嚴霜連夜白
空梁寒月向西傾春前香炷熏猶濕雨後燈花黯不明
總為百憂容易老鄰雞又報兩三聲

偶吟

石斫冰猶合霜毫凍未融
恠來詩思澁知在灞橋中

冬夜宴澗梅宅賦別諸同社

十年車笠共徘徊珍重青尊一夕開
自有新歌金谷艷何嫌狂客玉山頽
浮名我已慙芳杜遠別君應折早梅
此去江關千萬里愁看征雁向南來

春暮得李欲仙同門書因寄回使

憶昔高寒入夜分清歌
燕市更逢君西山共踏千尋雪

北雁空停萬里雲芳草多情成卧病春風是處惜離羣
斜塘人去頻凝望日盡遙天見夕曛

中秋

疎星掩映夜將闌露葉空林滴未乾欲泛秋河看明月
玉樓高處不勝寒

九日同諸兄弟釀飲時霜降前一日也

九日開樽興未闌登樓莫復悵盤桓已看黃葉驚秋老
漸覺繁霜逼歲寒王粲悲歌愁愈劇楊憑得句夜先殘

唐楊憑兄弟三人皆能文或同賦一篇共坐庭石霜積襟袖課成而已
獨憐遲暮逢搖落

空對黃花擁籜冠

月夜舟中宿

天上明月光水底孤帆影
激射成虛空舟在空中騁青
蘋冷然起散作波千頃對之不成眠
白鳥喧夜永煙波空浩浩
煩襟滌未靜為念垂綸人披裘江上冷

舟行晚晴

橫塘雨急散微風不繫扁舟逐
斷蓬日脚晚垂烟樹裏

金史曰卷之三十一
卷四
虹髻晴見水雲中暮山相對凝寒碧歸鳥爭飛沒遠空
渺渺滄洲何處是忽聽漁唱起孤篷

訪衲山上人不遇

為愛忘機侶來尋方外遊
山禽扃戶下石竹遶庭幽
避世期支遁裁詩擬惠休
此中塵不染何地更淹留

寄壽吳鼎濤年伯六秩兼呈準平年兄

蘓公推敏達裴叔擅風神
蓮幕曾司理南朝舊秉鈞
先幾甘蹈分初服得全真情豈耽軒冕心還託隱淪
東吳

傳世德角里老遺民重著潛夫論寧慚處士身徑松吹
籟靜門柳拂煙新宅卜無塵雜川觀有釣綸高踪仍自
遠樂事更相親見說年週甲方常嶽降申仙璫乘羽至
子舍擊鮮頻廣讌朱成實芳郊綠布茵碾茶逢穀雨修
禊向河濱孤借三分月天留五日春為君祈大斗燕喜
況嘉辰

踏月

踏月高城下翛然興寄遙草蟲空自語木葉已先飄秋

老梧桐樹霜濃石板橋何因歌吹起搖落感今宵

三月晦日作

忽聞流鶯聲似訴春歸去極目斷長天不見春歸處煙
水白茫茫飛盡空中絮春留苦無計春去知何據微雨
小庭寒花落殘鶯語

題畫

素影珊珊迥出塵未須鉛澤污天真無端獨自窺簾坐
不道嫦娥解笑人

松桂堂全集卷四

欽定四庫全書

松桂堂全集卷五

丁酉戊戌

吏部侍郎彭孫遹撰

江行雜咏

出門成遠客，況復渡江來。
霧堞知何處，風檣去不回。
人聲空谷應，夕照半山開。
渺渺滄波上，鄉心日幾迴。
輕舸依沙岸，江城小徑通。
亂山生杳靄，一水浸虛空。
鳥影橫天半，漁燈出霧中。
年來倦行役，從此逐飄蓬。

客向天涯去相逢盡水萍
江湖來信宿踪跡見漂零
沙路晴猶濕春山晚更青
東風吹未息日暮且揚舲

倚棹堪遐矚春光幾處明
杉陰茅店合澗水石橋平
鳥向天邊墮人從樹杪行
栖遲應自好何日遂幽情

山縣經過處春深景物妍
茶香穀雨月水漲麥秋天
蠶妾迎朝旭漁人破暝煙
閑居并逆旅幽興更誰偏

孤舟臨水國去去道何長
到處逢春色令人憶故鄉
山花浮淺瀨石竹吐新篁
却羨村居叟攜筇下夕陽

一入桐江路荒涼未可看
依山還作邑僻境似無官
水石灘聲咽風煙鳥道殘
客來空徙倚盡日暮鴉寒

落日行相逐滄洲興不忘
鄉關雲外斷歲月客中長
夕蔭生烏桕林香遍野棠
更聞漁唱起百感入蒼茫

江山不可識空憶舊遊時
去日一何速來程轉自遲
墟烟桑柘冷野戍鼓鼙悲
又見他鄉柳風吹幾萬絲

行經七里瀨過盡萬重山
石溜生微浪沙痕瀉淺灣
人耕青燒裏雲出翠微間
此地披裘客浮名美爾閒

七里灘

山迴水亦窮行止疑無處遙見估人帆轉入山中去

又

曉望鬱蒼蒼蒙茸樵徑合風吹伐木聲千山響相苔

又

落日滿山崖春草無行迹彷彿見行人旋向草中出

晚泊胥口

疊嶂層巒一線通濁醪取醉倚孤篷夜深忽見山頭月

飛入空山漱艷中

題堵芬木所畫竹閣懷先卷

小范當年攬轡遊
西山亭榭敞深幽
清風仍自標篔簹
谷
遺記今猶在竹樓
江水斜縈千嶂碧
人烟寒逼兩峰秋
詞人懷古情何限
盡向丹青障裡留

望烏龍山

北望嵯峨色中峰
倚碧空
夏雲相吐納
長在有無中

題柴氏園亭四首

翳然林木草堂幽北郭烟霞一望收竹裡看山延爽氣
花間疏沼納春流江湖自傲青樽色泉石曾陪綠野游
見說謝公賓從在幾人洒淚向西州

三逕依然對麗譙詞人曾此駐遊鑣春池泛羽通金谷
晴郭看雲度午橋入座薰風梳竹篠捲簾梅雨坼芭蕉
畫廊朱戶經過少碧蘚青蘿鎖寂寥

草閣嵯峨睥睨前倚闌長眺敞雲烟山堂細籟敲寒玉
石澗驚濤響夜泉萬壑迥含風雨氣孤城長見夕陽懸

鄰家日暮新篳熟吏部風流意惘然

往事侵尋歲月深舊栽梧竹未成林
莓苔上壁生虛綠鼯鼠空堂趁晚陰
高樹槎枒鱗鳥下濕茸蕭颯夜蟲吟
淒涼幾墮游人淚銷歇還知造物心

泛浙江

沙融水轉待維舟誰識長卿本倦游
地險橫飈排巨壑天清片月墮中流
迴帆客至皆吳榜隔岸燈明是越州
非為褰芳來遠道白蘋青杜滿汀洲

雨中望嚴陵釣臺

雨鎖荒祠黯不開
殘碑盡日掩莓苔
春草迥出山椒路
石壁高懸樹杪臺
江上幾人垂釣老
天涯若個問津來
煙波不少登臨興
對此應慙作賦才

春盡日登北山玉皇閣

空山紆曲叩巖扉
傑閣岩堯俯翠微
獨鳥風前橫晚色
亂帆江上帶斜暉
自傷信美非吾土
誰道登臨可當歸
旅食不堪春又盡
鄉關愁見白雲飛

午日同裘古苞小飲

南峯雨過殷輕雷
逆旅招尋潑午醅
容裡佳辰驚屢換
愁中勝友喜頻來
天圍江草無邊碧
花發山榴幾度開
試上高樓同極目
鄉心應逐浙潮迴

睦州送裘古苞歸武林

城南官道口送子
上河梁去路邀秋色
歸帆背夕陽湖
葦船尾滑仙桂
嶺頭香惜別從來
意銷魂况異鄉

睦州別俞再李贈歌

人生重意氣，豈必在生平。所以傾蓋間，能結千古情。我
時正倦游，天涯嗟落魄。誰言縣令解，候門浪說王孫能。
召客曾見春條冉冉紅，坐看秋露盈盈白。羈愁搖落不
可當，賴有俞生相慰籍。俞生乎，俞生十千酤我時，自傾
彈箏撥阮，令我醉酒闌。往往東方明，有時染翰娛花下。
亦或論詩語，清夜誰能邂逅不相思。西風夢繞秦谿舍，
歸來歸來歸去來。素衣漂泊生塵埃，丈夫胡不策高足。
長驅直上黃金臺，歸來歸來歸去來。歸去南山曲，送別

北山隈南山北山杳相望
臨歧使我肝腸摧
明朝獨發清溪棹
不見俞生首屢回

湖上送侯石膚之白門省觀

故人分首向天涯
落日寒原去路賒
三徑未荒陶令菊
十年猶種故侯瓜
秣陵雲鎖思親夢
湖上風吹送客槎
尊酒共看離別色
他時好為折蔬麻

北高峯登眺

振衣獨上北峯頭
俯瞰清江曲折流
鄉國路遙來騁望

全芳四庫
卷五
山川氣肅坐生秋
千巖畫敞烟霞色
絕壑晴含風雨愁
翻為勝遊增感慨
不知何地可銷憂

送楊自西赴任高要

高堂行酒縈絃擘
素月流波照離席
此時送客不勝愁
蒼梧青海天外州
莫愁更酌思疇昔
芳芹春暖丹桂秋
清塵逸躅曾追步
愧我悠悠何足數
如君高視上京時
更誰能奏甘泉賦
君才蔚起堪時棟
百里焉能羈鸞鳳
暫摩秋翮厲青雲
揮手天涯自此分
近傳嶺表銷狼燧

生翠明珠迢遞至樓船猶駐五羊城桂蠹爭馳萬里器
遙知仙令此褰帷蜃雨嵐烟次第披嶺路行來飛雁絕
山城到日早梅吹幕中點筆歌鸚鵡縣裡栽花種荔枝
去去南中幾度春臨歧尊酒一沾巾枕榔亭上重相念
應有新詩寄遠人

秋日同幼日仲扶宿湖上精舍

空館開樽起壯顏故人喜見此追攀夜深枕上千尋雨
秋滿湖中萬疊山夢繞青溪何處老愁耽白髮幾時閒

行休漸識吾生事幽若芳蘋恣往還

秋日同方節漢蜚自西出遊海上因送自西南

行

大地東來勢若浮憑高千里見安流斜陽忽散中天色
積雨初生萬壑秋潮上赭山連夕靄漲添殷水沒芳洲
西風蘋芷堪盈把欲採能無遠客愁

南湖觀漲

水滿寒塘似不流亂帆乘漲晚來收斷溪不辨孤村路

遠樹高懸細雨舟催渡客歸紅葉暮釣魚人老白蘋秋
西風處處煙波濶搖落空生萬里愁

晚泊長水遇風掛帆東下

湖上乘舟傍晚行
寥寥吹籟向山城
三年逐客斜陽外
八月橫塘野水平
津樹飛迎歌岸走
天風奔勒怒濤鳴
故園蒲柳驚西候
岐路誰堪此日情

郡中訪旭曙不遇因乘晚東還作此却寄

郡國滄茫一水分
停橈薄暮悵離羣
林端日夕低於樹

天外山青淺似雲
四座秋光浮黯淡
臨流帆影落紛紜
剡溪亦有扁舟客
興盡還應不見君

酒後吟

深酌亦何意
醉來與世同
風塵草堂外
心事酒杯中
夜色星河迥
秋聲木葉空
獨醒從所好
終不怨飄蓬

錢塘懷古

峒堯舊峙鳳皇城
衰草茫茫九軌平
陵樹參差開夕照
江流慘澹入邊聲
渚蓮粉墜秋何處
嶺桂香殘月自明

豈謂河山異今昔將無憑吊有深情

湖上逢吳巨年有贈

蒿萊長掩故園扉白首飄零意不違
倚檻秋陰開巨壑垂簾山色下斜暉
風塵未老雙蓬鬢意氣徒高一布衣
我自草堂叢桂發應憐逋客未成歸

題巨年明月樓

傑閣增峨碧水隈長留片月與徘徊
白蘋湖上雙魚度落木風前一雁來
色敞中天平野盡秋橫萬里暮雲開

誰知暇日銷憂處仍有抽毫作賦才

題月潭上人山房

愛爾經行室蕭然出翠微萬山秋色盡薄暮白雲歸
泉脈疏頻雨爐烟漾晚暉寥寥十年事坐對此忘機

賦得去雁遠衝雲夢雪

楚天朔氣散霏微縹緲孤鴻萬里飛夜宿瀟湘猶見影
寒禁南浦欲沾衣書來故苑愁雲斷木落空江皓首歸
為問流哀更何處天涯逐客去應稀

歲暮雜感

為惜流波歲月頻歸來湖海倦遊人
寒梅釀就連朝雨
曉雪融成滿院春
挾策才疎空自老
逢年計拙敢嫌貧
銜杯四顧蒼涼色
悔不朱門早致身

曉起空庭集雜英
晚看寒雀下柴荆
祇因身賤交知薄
轉覺家貧節序輕
黯淡年華愁裡盡
淺深春色雨餘成
不才近欲安時命
不是疎狂傲物情

朔氣橫空歲漸闌
燔枯相對漫成歡
陽和不上緜袍色

旭日難迴黍谷寒
白雪孤高堪自賞
朱絃清記好誰彈
滄江萬里風波濶
世路巉巖自古難

疎性真成與世違
青袍寒色散晴暉
信風欲向梅邊轉
春色遙從柳外歸
自分貧家安晚食
不因卒歲怨無衣
神絃幾處紛繁會
徑滿蒿萊自掩扉

春日同瑄朗修遠元景過楚公精舍觀梅

新開精舍近墻東
春繞南枝一徑中
世外冰心孤自賞
人間艷色看來空
幽香晚逗廉纖雨
疎影寒搖澹蕩風

為爾悠然成獨往，還將新句叩高公。

清明後一日舟中作

芳辰冉冉過清明，又向橫塘倚棹行。
古陌三眠初變柳，深林百轉乍聞鶯。
雲山自逐孤帆轉，霧樹遙連一水平。
春思蒼茫消未得，可因桃李路傍情。

舟行雜詠

春色橫塘滿，汭洄一棹遲。
碧蕪薰麗日，紅蕊颭游絲。
淥水波微起，光風柳遍吹。
傷心何處極，南浦送君時。

東昌道中贈李萊馭

與爾同吳榜知予發越吟故鄉渺無際逐客意何深岸
草餘春色檣雲閣畫陰聊城經過處應識魯連心

五日南陽

撰辰當此日選勝各登臺獨是天涯客偏從日下來蜀
湖春水滿鳧嶺暮帆開不盡天涯意蒼茫對舉杯

舟過錫山

山水有實理豈必高且深曠遊貴神遇不在登且臨茲

山信幽麗遐矚良可尋川原蕩清暉水木媚夕陰沙虫
喧草際蕭條滌衆音吾生亦何擾歸思方難任無復棲
遲興徒懷向往心

贈普恩寺隱山上人

普恩寺在皇城西先侍御嘗休沐於此隱山
及事頗有惠勤風焉酉冬再入都門重過此
寺因有贈詩

萍合天涯意已傾故人海內有逢迎十年身計傷飄泊

三世交情見死生雁去西山殘雪盡客來易水暮雲平
關河遼落風塵阻愧爾班荆道左情

憶昔乘驄過上方題詩應遍贊公房當年蓮社仍無恙
別業柴桑已盡荒宿草淒迷傷往事征衫寥落滯他鄉
重來不盡低徊意古樹寒花舊講堂

戊戌下第南歸阻兵途經七十餘日始抵家因

賦呈毛明府

鳳城春色轉御苑衆芳滋于役來千里何緣借一枝貧

窮元有命陶鑄本無私放棄由明主蹉跎愧盛時不才
違世用久容益相思日暮擔簦去城陰策馬疲林花方
似錦津柳已如絲吳榜催人發燕雲入望移上書行已
矣去國更淒其易水聲仍咽聊城迹尚遺經過懷夙昔
迴薄見嶽崎擊汰三齊境驚心六月師途窮天地隘身
賤戍徒欺道阻川原積河流日夜悲亦知為客苦翻欲
到家遲入徑松陰合開軒竹粉披綠繁抽砌菊紅悴折
園葵節物渾非昨容顏強對誰慰愁憐嬾子失意慙交

知但訊歸何晚為言數有奇以茲情款款幾致涕垂垂
明府今民望龍門世羽儀獎賢同范甯惠好獨鍾期疎
傲常情怒寒暄豈衆隨紛吾遭擯落長此任流離踪跡
人爭訕生涯我亦疑計迂家食薄才拙老農宜厚遇誠
非分孤悰轉自危漂搖長若此何以答恩私

麋鹿

空谷無人跡君看麋鹿遊自耽邱壑趣一任網羅求擇
食野苹潔卜居林草幽蘓臺回首處往事悵悠悠

登吳山

霜空木葉遍林臯，紆磴攀躋豈憚勞。
絕頂一登吳地小，寒潮初落越山高。
雲迷古堞天將暮，風趁歸鴉晚自號。
白馬怒濤當日事，荒祠無主閉蓬蒿。


暮秋寓湖上言懷

頻年旅食欲何依，鄉國登臨兩地違。
空館坐飛秋後葉，清霜催授客中衣。
風搖極浦漁燈亂，雨積南山樹影微。
已是倦遊嗟歲晚，可能歸卧掩荆扉。

七夕同湄棧幼日獄一仲扶翫月

把酒問我友今夕知何夕明星漸隱月漸低此夕悠悠
成往昔往昔風流憶惘然且當良夜共留連試看天邊
牛與女須臾行樂別經年陽烏未墜金波吐庭樹蕭條
凝白露人生懽會不可常未必朝朝與暮暮河曳練
明還滅坐使兩情中斷絕可憐相見不相親豈獨悲傷
在離別別有清虛殿裏人廣寒寂寞誰與隣玉杵霜濃
搗靈藥桂花露重濕孤輪孤輪碾破河澄澈纖若蛾眉

珪比潔空教萬里美光輝
忍使三秋怨殘缺我欲乘風
凌太陰碧天無影漢水深
競傳織女年年事誰識姮娥
夜夜心



松桂堂全集卷五